



Universitätsbibliothek Paderborn

**Batavia, Sive De Antiqvo Veroqve Eivs Insvlae Qvam
Rhenvs in Hollandia facit situ, descriptione & laudibus;
aduersus Gerardvm Noviomagvm, Libri Dvo**

Aurelius, Cornelius

Antverpiæ, 1586

Illvstri Ac Generoso Comiti Ac Domino, Henrico Comiti A Nassav,
Ser[enissi]mi, ac potentißimi Caroli Regis Catholici in Hollandia vicario,
Corn. Avrelivs, S. D.

urn:nbn:de:hbz:466:1-38123

ILLVSTRI AC
GENERO SO COMITI AC
DOMINO, HENRICO
COMITI A NASSAV, SER^{mi},
ac potentissimi Caroli Regis Catholici in Hollandia
vicario, CORN. AVRELIVS, S. D.

*

Deest principium.

ET quid interim oculos huc illucque ver-
timus? quandiu inter sacrum & saxum
hæremus? Cur vltro nostram profiteri diffe-
rimus insufficientiam? Si enim omnia quæ
mundus habet preciosa tibi Comes inlyte
offerēdi nobis adesset facultas; longè tamen
inferiora tuis in nos meritis meritò censem-
tentur. Tanta enim nobis & Patriæ præsti-
tisti, vt si totum vitæ nostræ tempus in tua
occuparetur obsequia, non possemus cum
sancto illo Job in sua restituto, vel uno pro
mille respondere, neque in eo quod tibi de-
bemus par pari referre, neque in minimo
compensare. At plurimum nos interea con-
solatur Aurelius Augustinus pater noster,
nostræque militiæ princeps, qui planè confi-
tetur, numquam ante Opt. Max. Dei ocu-
los vacuam esse manum à munere, si circa
pectoris sedem repleta est bona voluntate.
Ergone debemus omittere quod possimus;

F s quando-

quandoquidem id quod debemus minimè possimus? Absit. Nobis enim piissimum saltem affectum, & locupletissimam voluntatem, dum res non suppetunt, conuenit aprire. Virtutem itaque tuam & meritum, Generose Comes, prædicare quidem atque extollere, sed nulla rerum facultate possumus remunerare. Quapropter quod manus nostra minimè præualet, ipsum certè oris nostri officium offerre non prætermittet. Dignum est enim & rationi consentaneum, ut vel ex fructu laborum ipse laudem accipiat, quem rerum gestarum dignitas cunctis commendat. Moderatrix quippe omnium rerum censuit antiquitas, ut dignum laboris sui premium accipiat, qui publicis utilitatibus inscriuire non detrectat. Paramus itaque virtuti tuæ quantum maximè possimus; daturi amplius si potuissimus, non vtique ista temporalia, quæ temporis morbo deficiunt; sed ære perennius monimentum, quod nulla unquam oblitteret ætas, nullus absorbeat ignis, nullum denique seculum absumat. Quocirca ne nihil pro nostra tenuitate tam fideli patrono & conseruatori nostro dedisse videamus: offerimus tibi, magnifice Comes, hoc tenue carmen tuo dicatum nomini, quod tē apud posteros immortalem prope efficiat.

efficiat, cui profectò Ägypti pyramides,
Apellis tabulæ, & Lysippi marmora facilè
cogantur cedere. Omnia quippe stemmata,
ceras & imagines, incisōsq. in æstítulos pro-
ducta annorum series obiter demolitur. Sola
scriptorū monimenta, ipsa etiam ætate, quæ
suo morbo omnia debilitat, fortius inuale-
scunt. Nec mirum cuipiam videri debet, vel
tantillo te à nobis remunerari beneficio, cui
etiam & nos & omnia nostra meritò debe-
mus. Nam quòd cōmodum viuimus, quòd
rem domesticam familiaremque saluam te-
nemus, quòd deniq. peregrinas in sedes dis-
persi non sumus, id omne tibi vni atq. adeo
vni adscribimus ; præter te nullum aliū, post
Deū, nostræ salutis habemus authorem. Tuo
vnius auxilio seruati sumus, qui & nobis al-
ter factus es Iudas Machabæus, dum non so-
lum Augusti castrum, sed & * Augustini <sup>* Hem-
donck.</sup>
claustrum tuo gladio protexisti. Te itaque
meritò Henrice nobiscum omnes maximo
Reipublicæ præsidio sentiunt, & perenni in
posterum memoria tenebunt. Atque uti-
nam tua certè præsentia vultuq; honorando
nobis aliquando frui liceret ; videres procul
dubio omniū nostrum in te vota propende-
re, gliscere desideria, & singulorū pectora tibi
esse deditissima. Vale nostræ decus Batauiæ.

GENE-